

मार्निंग डोगरी न्यूज़ बुलेटिन, समें. 09-20 Hrs

<><><><><><>

Headlines

1. राश्ट्र अज्ज 76मां गणतंत्र दिवस मना करदा ऐ। राश्ट्री राजधानी च गणतंत्र दिवस दी परेड च भारत दे सैनिक, कौशल ते समृद्ध सांस्कृतिक विरासत दा प्रदर्शन कीता जाग।
2. जम्मू कश्मीर च निगगर सुरक्षा बवस्था च गणतंत्र दिवस मनाया जा करदा ऐ। उपराज्यपाल मनोज सिन्हा होर जम्मू च परेड दी सलामी लैंगन। मुख्यमंत्री उमर अब्दुल्ला होर मुख्य परौहने दे तौर पर शामिल होंगन।
3. केन्द्री गृहमंत्री अमित शाह होरें आखेआ ऐ जे वाइबरेंट विलेज प्रोग्राम कन्नै दिल्ली ते ग्राएं च रवा करदी आजादी बश्कार दिल दी दूरी घटा करदी ऐ।
4. जम्मू कश्मीर दी क्रिकेट टीम नै राणजी टॉफी च मुंबई गी हराई दित्ता ऐ। मुख्यमंत्री उमर अब्दुल्ला होरें टीम गी ममारकबाद दित्तियां न।

<><><><><><>

R.Day

अज्ज पूरा राश्ट्र 76मां गणतंत्र दिवस मना'रदा ऐ। राश्ट्रपति द्रौपदी मुर्मू होर गणतंत्र दिवस दे समारोह च देश दा नेतृत्व करगन। एह समारोह कर्तव्य पथ, नमीं दिल्ली च होआ'रदा ऐ। गणतंत्र दिवस परेड साढ़े 10 बजे शुरू होग ते 90 मिनट दी अवधि तोड़ी चलोग। गणतंत्र दिवस परेड दी शुरूआत प्रधानमंत्री नरेन्द्र मोदी हुंदे राश्ट्र युद्ध स्मारक पर श्रद्धांजलि भेंट करने कन्ने होग। राश्ट्रपति द्रौपदी मुर्मू होर कर्तव्य पथ पर रस्मी बरसी उप्पर आंगन ते मार्च पास्ट दी सलामी लैंगन। मार्च 1स्ट च सेना बल, नीम फौजी बल, सहायक नागरिक बल, एनसीसी ते एनएसएस शामिल न। इंडोनेशिया दे राश्ट्रपति परेड दे मुख्य परौहने होंगन। बक्ख-बक्ख राज्यें, केन्द्री शासत प्रदेशें ते केन्द्री सरकार दे मंत्रालय ते विभागें तरफा 21 झांकियां पेश कीतियां जांगन। जेहड़ी गै स्वर्णिम भारत विरासत ते विकास विशे सार गी पेश करगन। 47 विमाने तरफा सलामी दित्ते जाने कन्नै कार्यक्रम दी समाप्ति होग।

<><><><><><>

President Massage

राष्ट्रपति द्रौपदी मुर्मू होरें आखेआ ऐ जे संसदच पेश “एक राष्ट्र एक चुनां” विधेयक च सुशासन दी शर्ते गी परतियै परिभाषत कीता गेदा ऐ। राष्ट्रपति होरें आखेआ ऐ जे “एक राष्ट्र एक चुनां” योजना शासन च निरंतरता गी बढ़ावा देई सकदी ऐ। नीति निर्धारण कन्नै जुड़ी निधियता खत्म कीती जाई सकदी ऐ ते संसाधने ते इस्तेमाल ते वित्तीय भार गी घट्ट करी सकदी ऐ। गणतंत्र दिवस उपर राष्ट्र गी संबोधत करदे होई उनें आखेआ जे भारतीय दंड संहिता, दंड प्रक्रिया संहिता ते भारतीय साक्ष्य अधिनियम दे थाहर भारतीय न्याय संहिता, भारतीय नागरिकता सुरक्षा संहिता ते भारतीय साक्ष्य अधिनियम गी लागू करने दा फैसला, इनें प्रयासें च सब्बने शा उल्लेखनिय रेआ ऐ। राष्ट्रपति होरें आखेआ जे गणतंत्र दिवस सारे देशवासिएं लेई खुशी ते उत्साह दा दिन ऐ। उनें इस गल्ला उपर जोर भरेआ जे न्याय, आजादी, समानता ते भाईचारा म्हेशां भारत दी सभ्यता आली विरासत दा हिस्सा रेआ ऐ।

<><><><><><>

Padam Awards

राष्ट्रपति द्रौपदी मुर्मू होरें बरे 2025 आस्तै 130 पदम पुरस्कार गी मंजूरी दित्ती ऐ। इस सूचि च 7 पदम विभूषण, 19 पदम भूषणते 115 पदश्री पुरस्कार शामिल न। इंदे चा 23 पुरस्कार पाने आलियां महिला न ते 10 विदेशी विदेश रवा'रदे भारतीय पीआईओ, ओसीजे श्रेणी थमां शामिल न। 13 पुरस्कार मरणोपरांत दित्ते जा'रदे न।

<><><><><><>

Gallantry Awards

राष्ट्रपति द्रौपदी मुर्मू होरें 76में गणतंत्र दिवस दे मौके उपर 93 सशस्त्र बलें ते केन्द्रीय सशस्त्र बल दे जवानें गी गैलेंटरी पुरस्कार देने दी मंजूरी दित्ती ऐ। जेह्दे च 11 मरणोपरांत शामिल न। इंदे च 2 कीर्ति चक्र जेह्दे च इक मरणोपरांत 14 शौर्य चक्र शामिल न। जम्मू कश्मीर पुलस दे 27एं बले समेत कल 32 अधिकारिएं गी इस बरे राष्ट्रपति मैडल दित्ता गेआ ऐ। केन्द्र शासत प्रदेश लद्दाख दे दऊं पुलस बलें गी बी एह् मैडल देने दी घोषणा कीती गेई ऐ। जानकारी दे मताबक जम्मू कश्मीर पुलस गी बहादुरी लेई 17 राष्ट्रपति मैडल दित्ते जांगन।

<><><><><><>

R.Day J&K

जम्मू कश्मीर कड़ी सुरक्षा बश्कार 76में गणतंत्र दिवस मनाने आस्तै पूरी चाल्ली तैआर ऐ। मुख् आयोजन आली थाहर मोलाना आजाद स्टेडियम दे आले दुआले निग्गर सुरक्षा इंतजाम कीते गे न। उपराज्यपाल मनोज सिन्हा होर इस कार्यक्रम च राष्ट्री झंडा चाढ़गंन ते मुख्मंत्री उमर अब्दुल्ला होर मुख् परौहने होंगन। सूत्रें मूजब

बाद्लू सुरक्षा इंतजामें गी पक्का करने आस्तै ड्रोन दी मदद लैती जा करदी ऐ। तोआई 4 काबिना मंत्री जावेद अहमद डार, सकीना इत्तू, सतीश शर्मा ते जावेद राणा बारामुला, अनंतनाग, कठुआ ते उधमपुर जिले च आयोजित कार्यक्रमें च परेड दी सलामी लेंगन। बाकी 14 जिले च जिला विकास परिषद दे अध्यक्ष मुख् गणतंत्र दिवस दे कार्यक्रमें च परेड दी सलामी लेंगन।

<><><><><><>

Laser Show

गणतंत्र दिवस दी पैहली संजा कल जम्मू च लेजर शो दा सरिस्ता कीता गेआ, एहदा आयोजन तम्मू मुनसिपल कारपोरेशन ते जम्मू स्मार्ट सिटी कन्नै रलियै कीते दा हा। कनाल रोड पर ब्लू ग्रीन वॉकवे पर लग्गे दे इस लेजर शो प्रोग्राम च उपराज्यपाल मनोज सिन्हा होर मुख् परौहने दे तोर पर शामिल होए। कैबिनेट मंत्री सतीश शर्मा, मुख् सचिव अटल डुल्लू ते जम्मू मुनसिपल कारपोरेशन दे कमीशनर देवांश यादव ते होर मन्नी परमन्नी दियां हस्तियां इस प्रोग्राम च शामिल हियां। इस पैहलकदमी दा मकसद स्मार्ट सिटी परियोजना तैह्त जम्मू च होआ दी प्रगति दा जिक्र करना ते नागरिकें दे गौरव गी बढ़ाना हा।

<><><><><><>

Holiday

जम्मू कश्मीर दी सरकार नै शब—ए—मिराज दे मौके पर 27 जनवरी गी होने आली छुट्टी गी मुअतल करी दित्ता ऐ, एह छुट्टी हुन 28 जनवरी मंगलवार होग। सरकार दे कमीशन सैक्रेटरी हुंदे आस्सेआ इक आदेश जारी करियै एहदे बारे घोषणा कीती गेई ऐ।

<><><><><><>

Amit Shah

केन्द्री गृहमंत्री अमित शाह होरें राष्ट्रीय स्तरै पर लगने आले प्रोग्रामें च दूर दरेड़े ग्राएंदे लोकें गी शामिल करने लेई प्रधानमंत्री न्द्र मोदी होंदे नजरियै दी तरीफ करदे होई आखेआ जे चाईवरेंट विलेज प्रोग्राम दिल्ली ते ग्राएं च रवा करदी आबादी बश्कार “दिल दी दूरी” गी घट्ट करने दी दिशा च पुट्टी गेदी इक गैह ऐ। अमित शाह होरें गणतंत्र दिवस दे सरबंघै च लग्गे दे इक प्रोग्राम च बोलदे होई एह गल्ल आक्खी। इस प्रोग्राम च दूर—दरेड़े ग्राएं थमांसरपंचै, नायब सरपंचै, महिला उद्यमिं ते विद्यार्थिं दे ग्रुप गी खास परौहने दे तोर पर साददा दित्ता गेदा हा। शाह होरें आखेआ जे जेल्ले प्रधानमंत्री मोदी होर राष्ट्रीय स्तरै दे प्रोग्रामें च दूर दरेड़े इलाकें च रौहने आले लोकें गी साददा दिंदे न ते मेजबान दी भुमका नभांदे न तां एहदे कन्नै एकता ते समावेश दी भावना दी संदेस जंदा ऐ।

<><><><><><>

Voters Day

आजादी मगरा 2024 लोकसभा ते विधानसभा चुनाएं दा जम्मू कश्मीर च होने गी उपराज्यपाल मनोज सिनहा होरें एतिहासक करार दित्ता गेआ ऐ। उनें आखेआ जे पूरे जम्मू कश्मीर च इनें चुनाएं दरान ना गै कोई गोली चली, ना गै पत्थर बाजी होई ते ना गै कुसा मतदान केन्द्र दोबारा मतदान कराने दी जरूरत पेई। राष्ट्रीय मतदाता दिवस दे मौके पर आयोजित इक कार्यक्रम गी संबोधत करदे होई उपराज्यपाल होरें आखेआ जे प्रशासन ते सुरक्षा बलें बश्कार बेहतर तालमेल कन्नै गै जम्मू कश्मीर च खरा मता मतदान होआ।

<><><><><><>

Niti Ayog

जम्मू कश्मीर दे राजौरी जिले दे बडहाल ग्रां च हाल च गैर कुदरती तरीके कन्नै होई दी मौतें दे सिलसिले च जम्मू कश्मीर दी सरकार नै हालात कन्नै निबड़ने लेई केई कारवाइयां कीतियां न। भारत सरकार दा गृह मंत्रालय हालात दी निगरानी करा करदा ऐ। संकअ कन्ने निबड़ने लेई पैहले बक्ख-बक्ख मैहकमे दे इक कमेटी ग्रां च भेजी गई ही। जम्मू कश्मीर सरकार दी गुजारश पर नीति आयोग दे कमंबर डॉ. वी.के.पाल होरें राष्ट्रीय ते मकामी माहिरें किट्ठे रलियै कम्म करने बारे इक बैठक दी अध्यक्षता कीती ऐ।

<><><><><><>

Kashmir Train

कश्मीर गी जाने आली पैहली वंदे भारत एक्सप्रेस रेलगड्डी दा ट्रायल रन श्री माता वैष्णो देवी रेलवे स्टेशन कटरा थमां बडगाम तोड़ी कामयाबी कन्नै पूरा होइ गेआ ऐं अधिकारिएं जानकारी मताबक रेलगड्डी शुक्रवार कटर रेलवे स्टेशन पुज्जी ही। कल श्रीनगर ते वापस कअरा परतोई ही। श्रीनगर उत्तर रेलवे दे मुख् क्षेत्र प्रबंधक साकिब यूसुफ होरें आखेआ जे कश्मीर गी बाकी देश कन्नै जोड़ने दी प्रधानमंत्री नरेन्द्र मोदी हुंदा सुखना पूरा होई गेआ ऐ। वंदे भारत रेलगड्डी कश्मीर घाटी पुज्जी गई ऐ।

<><><><><><>

JK Cricket

जम्मू कश्मीर दी क्रिकेट टीम नै रांजी ट्रॉफी दे ग्रुप नै रांजी ट्रॉफी दे ग्रुप-एहदे च मुंबई गी 5एं विकेटें कन्नै हराइयै नमां इतिहास रची दित्ता ऐ। 205 रंजें दे लक्ष्य दा पिच्छा करदे होई जम्मू कश्मीर नै 5 विकेटां मुआइयै 207 रंज बनाए। विवरांत शर्मा नै 32 ते आषिद मुश्ताक नै 32 रंजें दा यागेदान दित्ता। मुंबई दी पैहली छड़े 120 रंजें पर गै सिमटी गई ही। ओह्दी दूर्इ पारी च शारदुल ठाकुर नै शानदार 119 रंज बनाए पर अपनी

बधिया गेंदबाजी दी बदौलत जम्मू कश्मीर नै एह मैच अपने नां करी लैता। जम्मू कश्मीर हुन 29 अंके गुप-ए च सब्बने शा उप्पर ऐ। मुख्यमंत्री उमर अब्दुल्ला होरें इस जित्त लेई टीम गी मुबारकबाद दित्ती ऐ।

<><><><><><>